

Na osnovu člana 7. stav 5. Zakona o igrama na sreću („Službene novine Federacije BiH“ br. 48/15 i 60/15) i Uredbe o kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću („Službene novine Federacije BiH“, br. 89/15 i 11/17), Federalno ministarstvo zdravstva, raspisuje

**JAVNI POZIV  
ZA FINANSIRANJE PROJEKATA I PROGRAMA IZ SREDSTAVA DIJELA  
PRIHODA OSTVARENIH U BUDŽETU FEDERACIJE BOSNE I HERCEGOVINE  
PO OSNOVU NAKNADA ZA PRIREĐIVANJE IGARA NA SREĆU**

Iz dijela prihoda ostvarenih u Budžetu Federacije Bosne i Hercegovine po osnovu naknada za priređivanje igara na sreću, Federalno ministarstvo zdravstva raspisuje Javni poziv za prikupljanje zahtjeva za dodjeljivanje sredstava u svrhu finansiranja/sufinansiranja projekata i programa koji se odnose na:

- liječenje i rehabilitaciju teško oboljele djece i mladih koje je jedino moguće da se provodi izvan Bosne i Hercegovine i to na temelju propisa iz oblasti zdravstvenog osiguranja kojima se uređuje ova oblast,
- liječenje i rehabilitacija teško oboljele djece i mladih čije se liječenje finansira iz Federalnog fonda solidarnosti, kao i
- organiziranje akcija dobrovoljnog darivanja krvi, odnosno promociju dobrovoljnog davalaštva krvi.

**I. Opći kriteriji**

Sredstva se usmjeravaju za finansiranje projekata i programa koje predlažu udruženja građana i humanitarne organizacije sa sjedištem na teritoriji Federacije Bosne i Hercegovine, koje su osnovane u skladu sa važećim propisima o udruženjima i fondacijama, i to na osnovu sljedećih općih kriterija:

- 1) doprinos projekata i programa za ostvarivanje javnog interesa u određenoj oblasti (broj korisnika, realizirani programi, ostvareni i predviđeni socijalni učinci i sl.);
- 2) povezanost predloženog projekta i programa sa prethodnim aktivnostima udruženja ili humanitarne organizacije;
- 3) precizno definirane ciljne grupe i broj korisnika;
- 4) detaljno obrazloženje problema, odnosno potrebe za realizacijom projekta odnosno programa;
- 5) transparentnost i mogućnost vršenja kontrole ostvarenih rezultata i ocjene uspješnosti projekta, odnosno programa;
- 6) preporuka stručnjaka ili nadležne institucije iz oblasti u kojoj je projekat ili program pripremljen, i
- 7) iznos sredstava potrebnih za finansiranje realizacije projekta, odnosno učešća u finansiranju projekta (sopstvena sredstva, donacija, sredstva iz Budžeta Federacije BiH, sredstva iz budžeta jedinica lokalne samouprave i drugih sredstava).

## II. Posebni kriteriji

Federalno ministarstvo zdravstva je, u skladu sa članom 3. Uredbe o kriterijima za utvrđivanje korisnika i načinu raspodjele dijela prihoda ostvarenih po osnovu naknada za priređivanje igara na sreću, utvrdilo posebne kriterije, koji će biti osnova za ocjenu i izradu prijedloga raspodjele kandidiranih projekata i programa iz oblasti utvrđenih za zdravstvo u skladu sa Zakonom o igrama na sreću.

### II.1. – Liječenje djece i mladih u inostranstvu

Radi liječenja oboljenja, koja se ne mogu liječiti u Federaciji BiH, osoba se može liječiti u zdravstvenoj ustanovi u inostranstvu u kojoj postoji mogućnost uspješnog liječenja.

Oboljenja, koja se ne mogu liječiti u zdravstvenim ustanovama na teritoriji Federacije BiH, u skladu sa Pravilnikom o uvjetima i postupku upućivanja osiguranih osoba na liječenje u inostranstvo („Službene novine Federacije BiH“, br. 93/13 i 102/15), su:

- 1) urođene srčane mane kod djece koje se mogu liječiti operativnim putem;
- 2) oboljenja iz oblasti dječije onkologije;
- 3) neurohirurška oboljenja djece i mladih koja se mogu uspješno liječiti neurohirurškom operacijom gama sajber i tribun nožem;
- 4) embolizacija, stentiranje i koilovanje krvnih sudova;
- 5) tumori oka kod djece i mladih;
- 6) ekstenzivne opekotine preko 60% površine;
- 7) oboljenje jetre, bubrega, pankreasa, srca, rožnice kod djece i mladih, koja se mogu uspješno liječiti transplantacijom;
- 8) oboljenja kod mladih koja zahtjevaju transplantaciju koštane srži;
- 9) elektrofiziološka ispitivanja kompleksnih aritmija sa eventualnom radiofrekventnom ablacijom;
- 10) oboljenja kod djece izuzetno rijetkih patologija, odnosno oboljenja sa niskom incidencijom (jedan na milion stanovnika), ukoliko se radi o jedinom oboljenju, odnosno ukoliko bi liječenje u inostranstvu dovelo do potpunog izlječenja;
- 11) osteosarkom kod djece koji se može liječiti operativnim putem.

Za slučajeve upućivanja na liječenje u inostranstvo u smislu tačke 10) potrebno je da referentna zdravstvena ustanova za konkretan slučaj raspolaže domaćim, odnosno međunarodnim statističkim podacima, koji potvrđuju postojanje tzv. niske incidence (odgovarajući statički izvještaj sa podacima o njihovim izvorima).

Posebni kriteriji kojima treba da udovolje projekti i programi koje predlažu udruženja građana i humanitarne organizacije (u daljem tekstu: aplikant) za namjenu „liječenje i rehabilitacija teško oboljele djece i mladih koje je jedino moguće da se provodi izvan Bosne i Hercegovine i to na temelju propisa iz oblasti zdravstvenog osiguranja kojima se uređuje ova oblast“, su sljedeći:

- a) Kvalitet ponuđenog projekta/programa, s aspekta metodologije izrade, odnosno jasno definiranih ciljeva i metoda provođenja projektnih aktivnosti;
- b) Ciljevi ostvarivanja apliciranog projekta/programa;
- c) Jasno definirana metodologija izvedbe apliciranog projekta/programa;

- d) Broj korisnika;
- e) Ostvareni rezultati u realizaciji dosadašnjih projekata/programa;
- f) Obrazloženje potrebe za liječenjem izvan Bosne i Hercegovine, sa dokazima:
  - prethodno pribavljen prijedlog univerzitske-kliničke bolnice (u daljem tekstu: klinička zdravstvena ustanova) koja se bavi liječenjem oboljenja koja su naznačena naprijed na listi, a za koje se traži odlazak na liječenje u inostranstvu, sa mišljenjem liječničkog konzilija izdatog saglasno Pravilniku o postupku i načinu rada liječničkog konzilijuma („Službene novine Federacije BiH“, broj 55/13);
  - da je dijagnostička obrada i liječenje obavljeno u kliničkim zdravstvenim ustanovama u Federaciji BiH, te da su iscrpljene sve mogućnosti daljeg liječenja u ovim zdravstvenim ustanovama u Federaciji BiH;
  - da postoji mogućnost uspješnog ishoda liječenja u odgovarajućoj zdravstvenoj ustanovi u inostranstvu;
  - da je liječenje koje se preporučuje naučno dokazano i prihvaćeno u praksi, kao i da ne predstavlja eksperimentalni oblik liječenja;
  - da će predloženo liječenje dovesti do značajnog produženja i poboljšanja kvaliteta života;
  - da su u kliničkim zdravstvenim ustanovama u Federaciji BiH sanirana sva žarišta i interkurentna oboljenja koja mogu odgoditi početak liječenja u inostranstvu.

Aplikant je obavezan dostaviti podatak o državi i inostranoj zdravstvenoj ustanovi u kojoj se predlaže obavljanje liječenja.

Troškovima liječenja u inostranstvu smatraju se:

- 1) troškovi liječenja u inostranoj zdravstvenoj ustanovi;
- 2) troškovi nabavke lijeka iz inostranstva;
- 3) naknada putnih troškova (troškovi prevoza i dnevnica na ime troškova ishrane, smještaja, pratioca, davaoca organa i tkiva-donora);
- 4) troškovi angažiranja inostranog zdravstvenog stručnjaka u zdravstvenim ustanovama u Federaciji BiH.

Aplikant je obavezan u prijavi specificirati dio troškova liječenja, prema naprijed navedenom, a za koje potražuje sredstva za liječenje u inostranstvu.

Projekti/programi u oblasti zdravstva **za Tačku II.1.** podržat će se u skladu sa finansijskim mogućnostima, odnosno u maksimalnom iznosu do 50.000,00 KM po projektu/programu.

## **II.2. – Liječenje djece i mladih u BiH (oboljenja sa Liste Federalnog fonda solidarnosti)**

Oboljenja koja se liječe u okviru Federalnog fonda solidarnosti:

- 1) hronična hemodijaliza ili peritonealna dijaliza, uključujući i prevoz na dijalizu,
- 2) liječenje oboljenja, odnosno stanja dječije onkologije, uz tipizaciju,
- 3) ugradnja kohlearnog implantata kod djece,

- 4) kardiologija i kardiohirurgija kod djece,
- 5) usluge iz oblasti kardiologije i kardiohirurgije,
- 6) najsloženije neurohirurške operacije,
- 7) najsloženije operacije iz oblasti ortopedije i traumatologije,
- 8) usluge iz oblasti urologije,
- 9) usluge iz oblasti vaskularne hirurgije i invazivno-interventnih procedura na krvnim sudovima,
- 10) usluge iz oblasti torakohirurgije,
- 11) usluge dijagnostičkih pretraga na hepatitis C i težih oblika hepatitisa B,
- 12) operacija urođenih srčanih mana,
- 13) usluge iz oblasti transplantologije,
- 14) usluge radioterapije kod malignih oboljenja,
- 15) usluge iz oblasti nuklearne medicine,
- 16) usluge PET/CT,
- 17) usluge dobrovoljnog i anonimnog savjetovanja i testiranja na HiV/AIDS,
- 18) sufinansiranje nabavke humanog imunoglobulina,
- 19) sufinansiranje nabavke lijekova za liječenje multiple skleroze,
- 20) sufinansiranje nabavke lijekova za liječenje hemofilije,
- 21) sufinansiranje nabavke imunosupresivnih lijekova,
- 22) sufinansiranje nabavke lijekova za liječenje oboljelih od hepatitisa C i B,
- 23) sufinansiranje nabavke antiretrovirusnih lijekova,
- 24) sufinansiranje nabavke citostatika,
- 25) sufinansiranje nabavke lijekova za dijalizu,
- 26) sufinansiranje nabavke lijekova za liječenje upalnih bolesti debelog crijeva (Chronove bolesti i ulceroznog kolitisa),
- 27) usluge humane reprodukcije lica sa invaliditetom,
- 28) profilakse respiratornog sincicijalnog virusa (RSV) ugroženih grupa djece polivizumabom u Federaciji BiH,
- 29) nabavka traka i aparata za kontrolu dijabetesa,
- 30) novorođenački skrining na kongenitalni hipotireoidizam i fenilketonuriju i adrenalnu hiperplaziju,
- 31) sufinansiranje nabavke potrošnog materijala za dijalizu,
- 32) eventualno, po potrebi, ostali programi zdravstvene zaštite u skladu sa Odlukom o utvrđivanju prioriternih vertikalnih programa zdravstvene zaštite od interesa za Federaciju BiH i prioriternih najsloženijih oblika zdravstvene zaštite iz određenih specijalističkih djelatnosti.

Posebni kriteriji kojima treba da udovolje projekti i programi za namjenu "liječenje i rehabilitacija teško oboljele djece i mladih, čije se liječenje finansira iz fonda federalne solidarnosti", su:

- a) Kvalitet ponuđenog projekta/programa, s aspekta metodologije izrade, odnosno jasno definiranih ciljeva i metoda provođenja projektnih aktivnosti;
- b) Ciljevi ostvarivanja apliciranog projekta/programa;
- c) Jasno definirana metodologija izvedbe apliciranog projekta/programa;
- d) Broj korisnika;
- e) Ostvareni rezultati u realizaciji dosadašnjih projekata/programa.

Projekti u oblasti zdravstva za **Tačku II.2.** podržat će se u skladu sa finansijskim mogućnostima, odnosno u maksimalnom iznosu do 30.000,00 KM po projektu/programu.

### **II.3. - Organiziranje akcija dobrovoljnog darivanja krvi, odnosno promocija dobrovoljnog davalaštva krvi**

Akcije darivanja krvi se organiziraju u cilju obezbjeđivanja krvi i krvnih sastojaka po utvrđenim potrebama za krvi. Promocija dobrovoljnog davalaštva ima za cilj informiranje građana o značaju davalaštva krvi.

#### **Obuhvat projekata pod tačkom 3:**

- Organiziranje akcija dobrovoljnog darivanja krvi, uključujući animaciju davalaca
- Promocija dobrovoljnog davalaštva krvi, uključujući pripremu, štampanje i distribuciju promotivnih materijala i sl.

Aplikant je dužan, kod organiziranja akcija dobrovoljnog darivanja krvi:

- organizirati akciju,
- obezbjediti prostor za rad,
- obezbjediti plakatiranje s informacijama o akciji,
- izvršiti medijsku najavu akcije darivanja krvi,
- može organizirati i podjelu zahvalnih obroka i osvježenja za dobrovoljne davaoce.

Aplikant je dužan, kod promocije dobrovoljnog davalaštva krvi:

- pripremiti promotivne materijale,
- izraditi i distribuirati promotivne materijale (promo i informativni plakati, letci, afiši, postavljanje bilborda, emitovanje spotova i radio džinglova, promocija u elektronskim medijima, tekstovi u štampanim medijima, konferencije za novinare i sl.),
- može organizirati susrete dobrovoljnih davalaca, kao i organizirati promotivne aktivnosti (sportske i druge manifestacije).

Organiziranje akcija darivanja krvi, kao i promocija dobrovoljnog davalaštva krvi, aplikanti su dužni izvršiti u saradnji sa Zavodom za transfuzijsku medicinu Federacije Bosne i Hercegovine, transfuzijskim centrima i transfuzijskim odsjecima u Federaciji BiH, a prema mjestu provođenja akcije darivanja krvi, odnosno promocije.

Aplikant je dužan da dostavi izjavu odgovorne osobe kojom potvrđuje da će projekat i program pod tačkom II.3. realizirati u saradnji sa navedenim transfuzijskim ustanovama/centrima/službama.

Posebni kriteriji kojima treba da udovolje projekti i programi za namjenu i „Organiziranje akcija dobrovoljnog darivanja krvi, odnosno promocija dobrovoljnog davalaštva krvi”, su:

- a) Kvalitet ponuđenog projekta/programa, s aspekta metodologije izrade, odnosno jasno definiranih ciljeva i metoda provođenja projektnih aktivnosti;
- b) Ciljevi ostvarivanja apliciranog projekta/programa;
- c) Jasno definirana metodologija izvedbe apliciranog projekta/programa;
- d) Broj darivatelja krvi;
- e) Ostvareni rezultati u realizaciji dosadašnjih projekata/programa.

Projekti u oblasti zdravstva za **Tačku II.3.** podržat će se u skladu sa finansijskim mogućnostima, odnosno u maksimalnom iznosu do 10.000,00 KM po projektu/programu.

Aplikant koji se prijavljuje za dodjelu sredstava u okviru tač.II.1.; II.2. i II.3 u cilju sufinansiranja apliciranog projekta, dužan je u aplikaciji navesti iz kojih izvora su osigurana preostala sredstva za finansiranje projekta i u kojem iznosu.

Jedan aplikant može aplicirati po javnom pozivu samo jednom prijavom u oblasti zdravstva.

### **III - Pravo učestvovanja**

Po ovom javnom pozivu pravo učestvovanja imaju udruženja građana i humanitarne organizacije osnovane u skladu sa važećim propisima o udruženjima i fondacijama, koje imaju sjedište na teritoriji Federacije Bosne i Hercegovine, a koji ispunjavaju opće i posebne kriterije propisane ovim Javnim pozivom.

### **IV – Prijavni obrazac i potrebna dokumentacija**

Zahtjev za dodjelu sredstava treba da sadrži sljedeće podatke:

- 1) naziv udruženja ili organizacije, sa osnovnim podacima;
- 2) imena lica odgovornih za realizaciju projekta/programa;
- 3) broj transakcijskog računa;
- 4) realizirani projekti/programi;
- 5) naziv projekta/programa;
- 6) oblast na koju se projekat/program odnosi;
- 7) opis projekta/programa sa ciljevima;
- 8) indikatori učinka;
- 9) iznos sredstava koji se traži;
- 10) struktura sredstava finansiranja projekta/programa (sopstvena sredstva, donacije, sredstva iz Budžeta Federacije BiH, sredstva iz budžeta općina i dr.);
- 11) ovlašteno – odgovorno lice za realizaciju programa, i
- 12) rok realizacije projekta.

Uz zahtjev, aplikant je dužan priložiti sljedeće:

- 1) dokaz o registraciji,
- 2) posljednji godišnji obračun o poslovanju, s izuzećem udruženja i humanitarnih organizacija koje su registrirane manje od godinu dana,
- 3) dokaz o realiziranim projektima,
- 4) druge dokaze u cilju potkrepljivanja kriterija poziva:
  - projektnu dokumentaciju, detaljan opis projekta/programa, metodologiju rada, jasno definiranu korisničku grupu i broj korisnika, broj članstva i kratku biografiju članova uključenih u realizaciju projekta/programa, ocjenu krajnjih rezultata i očekivane rezultate realizacije projekta/programa, kao i
  - druge akte bitne za detaljnije obrazloženje uspješnog realiziranja predloženog projekta/programa, kao i osiguranje pretpostavki za namjenski utrošak sredstava.

**Prijavni obrazac** za javni konkurs preuzima se na službenoj web stranici Federalnog ministarstva zdravstva – [www.fmoh.gov.ba](http://www.fmoh.gov.ba)

Uz popunjeni zahtjev (Prijavni obrazac) aplikant je dužan priložiti i svu neophodnu dokumentaciju navedenu u tekstu ovog Javnog poziva, i to **u jednom primjerku** u originalu ili ovjerenom kopiji.

**Prijave** se dostavljaju u zatvorenoj koverti sa napomenom: „**Za Javni poziv – raspodjela sredstava od igara na sreću**“, lično ili putem pošte, potpisane od strane ovlaštenog lica, na sljedeću adresu:

**Federalno ministarstvo zdravstva  
Ul. Titova br. 9.  
71000 Sarajevo**

**Rok za dostavljanje prijave je 21 dan od dana posljednje objave ovog Javnog poziva.  
Javni poziv objavit će se u dvije dnevne novine i na web stranici Federalnog ministarstva zdravstva.**

Neće se uzeti u razmatranje prijave koje ne ispunjavaju kriterije iz ovog Javnog poziva, prijave uz koje nije dostavljena sva tražena dokumentacija u dovoljnom broju primjeraka i koje nisu dostavljene u propisanom roku.

*Bodovna shema* za ocjenu općih i posebnih kriterija na osnovu ovog Javnog poziva, koja će biti korištena u procesu ocjene prijave, bit će objavljena na web stranici Federalnog ministarstva zdravstva, zajedno sa Javnim oglasom i Prijavnim obrascem.

Korisnici sredstava kojima budu odobrena sredstva na osnovu prijave podnesene po ovom Javnom pozivu, dužni su nadležnom ministarstvu dostaviti Izveštaj o namjenskom utrošku dodijeljenih sredstava, do kraja kalendarske godine u kojoj su sredstva dodijeljena.

Konačnu Odluku o raspodjeli sredstava korisnicima, kojima je nakon provedene procedure odobrena raspodjela sredstava po ovom Javnom pozivu, donosi Vlada Federacije BiH, a bit će objavljena u „Službenim novinama Federacije BiH“ i na web stranici Federalnog ministarstva zdravstva.

**\*Napomena:** U smislu ovog Javnog poziva izraz „**mladi**“ koristi se u značenju definiranom u skladu sa Zakonom o mladima Federacije Bosne i Hercegovine („Službene novine Federacije BiH, broj 36/10): „*mladi su osobe u životnoj dobi od navršениh 15 do navršениh 30 godina starosti*“.